

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), a u vezi sa članom 133. stav 2. Poslovnika Skupštine Zeničko-dobojskog kantona-Novi prečišćeni tekst („Službene novine Zeničko-dobojskog kantona“, broj 7/12), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 115. sjednici, održanoj dana 03.07.2013. godine, d o n o s i

ZAKLJUČAK

I.

Vlada Zeničko-dobojskog kantona prihvata Amandmane I i II poslanika u Skupštini Zeničko-dobojskog kantona Fahrudina Brkića, na Prijedlog Zakona o šumama, koji glase:

AMANDMAN I

Član 38. Prijedloga Zakona o šumama mijenja se i glasi:

„Korisnik državnih šuma dužan je plaćati naknadu u visini 7% od ostvarenog prihoda od drveta, računajući cijenu drveta na panju i prihoda ostvarenog od nedravnih šumskih proizvoda, u skladu sa odredbama člana 51. stav 1. i 2. ovog Zakona“.

AMANDMAN II

Član 51. stav 1. (Uplata naknade za korištenje državnih šuma i šumskog zemljišta) Prijedloga Zakona o šumama mijenja se i glasi:

„Naknada za korištenje državnih šuma i šumskog zemljišta iz člana 38. ovog zakona obračunava se od prihoda od drveta računajući cijenu drveta na panju i od prihoda ostvarenog od nedravnih šumskih proizvoda i uplaćuje se“:

- a) 2,0 % na račun Budžeta
- b) 5,0 % na namjenski račun općine na čijoj teritoriji se ostvaruje prihod.

II.

Amandmani iz tačke I. ovog zaključka postaju sastavni dio Prijedloga Zakona o šumama.

III.

Zaključak sa obrazloženjem u kome su sadržani razlozi zbog kojih se utvrđuju podneseni amandmani upućuje se u dalju skupštinsku proceduru.

IV.

Zaključak stupa na snagu danom donošenja.

Broj: 02-_____ /13

Datum, 03.07.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Stručna služba Skupštine Zeničko-dobojskog kantona,

1x a/a.

O B R A Z L O Ź E N J E

I PRAVNI OSNOV:

Članom 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ br.7/10), propisano je da Vlada donosi zaključke kojima se utvrđuju stavovi o pitanjima od značaja za sprovođenje utvrđene politike, odnosno određuju zadaci kantonalnih organa uprave.

II. RAZLOZI ZA UTVRĐIVANJE:

AMANDMAN I

Vlada Zeničko-dobojskog kantona, razmatrajući amandman I poslanika u Skupštini Zeničko-dobojskog kantona Brkić Fahrudina na Prijedlog Zakona o šumama, zauzela je stavove: da se član 38. Prijedloga Zakona o šumama izmijeni tako da glasi: „Korisnik državnih šuma dužan je plaćati naknadu u visini 7% od ostvarenog prihoda od drveta računajući cijenu drveta na panju i prihoda ostvarenog od nedravnih šumskih proizvoda, u skladu sa odredbama člana 50. ovog Zakona“, ovo iz razloga što je prihvatljivije i ekonomičnije da korisnik državnih šuma naknadu u visini od 7% plaća od prihoda od drveta računajući cijenu drveta na panju i prihoda ostvarenog od nedravnih šumskih proizvoda, a ne od ukupnog prihoda ostvarenog po osnovu prodaje drvnih sortimenata i nedravnih šumskih proizvoda bez naznaka da li je prihod ostavren od prodaje na panju ili stovarištu.

AMANDMAN II

Vlada Zeničko-dobojskog kantona, razmatrajući amandman II poslanika u Skupštini Zeničko-dobojskog kantona Brkić Fahrudina na Prijedlog Zakona o šumama, zauzela je stavove: da se član 51. stav 1. Prijedloga Zakona o šumama izmijeni tako da glasi:

Naknada za korištenje državnih šuma i šumskog zemljišta iz člana 38. ovog zakona obračunava se od prihoda od drveta računajući cijenu drveta na panju i od prihoda ostvarenog od nedravnih šumskih proizvoda i uplaćuje se:

- c) 2,0 % na račun Budžeta
- d) 5,0 % na namjenski račun općine na čijoj teritoriji se ostvaruje prihod, ovo iz razloga što bi se u ovom članu trebalo izvršiti realna raspodjela naknade za općekorisne funkcije šuma na način da se Kantonu dodijeli relativni iznos od 2,0% od vrijednosti drveta u šumi na panju, jer je to opet dva puta više nego što je Uredbom o šumama bilo predviđeno (1% od vrijednosti drveta na panju).

Relativni iznos od 5 % vrijednosti drveta na panju je približan iznosu 3,5 % od ukupnog prihoda koji ide na račun općine na kojoj je prihod ostvaren, jer općine dobivaju sličan iznos kao po Uredbi o šumama, dok se na račun Kantona treba da se izdvoje veća sredstva.